



UKA 2018/121 & 159

17. oktober 2018

Aqqaluk Heilmann

**Taaguutinik akuersissuteqartarnermi Oqaasiliortut sulinerat nalilersuiffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq inaarsarneqassaaq UKA2019 tikitsinnagu, kalaallisut taaguusersuinerup ineriartortinneqarnissaanut suliat annertusarnissaannut innersuussutinik aamma imaqartinneqassaaq.**

(Siumup inatsisartunut ilaasortaaitai)

**Oqaasiliortut peqatigalugit inatsilerinermi kalaallisut oqaatsinik ineriartortitsinermik akuersinissamillu suliaqarnermik Naalakkersuisut salliutsitsinissaat pillugu Inatsisartuni aalajangiiffigisassatut siunnersuut. Taamattaaq Naalakkersuisut Oqaasiliortunik oqaloqateqarnermik kingorna UPA2019 sioqqullugu sulinissamut piffissamut pilersaarummik saqqummiussinissaannik peqquneqarput.**

(Inuit Ataqatigiit Inatsisartuni ilaasortaaitai)

Kalaallisut oqaatsitta isumai nakkutigisassaraagut, oqaatsivullu eqaatsuummata sineriappullu isorartoqimmat piffiit ilaanni oqaaseq ataaseq oqaaseqatigiilluunniit allatut paasineqarsinnaallutik inissisimasarput.

Taamaattumik inatsisartut inatsisaanni aalajangersarneqartoq Oqaasiliortut suliassaqarfinni taaguusersuutinik sulinermilu oqariartaatsinik akuersissuteqartassasut, kiisalu immikkut ilisimasalinnik inuttaqartunit inassuteqaateqarnerit periarfissaassasut Atassummiit taperserparput.

2018-imi Aningaasanut Inatsimmi oqaasileriffimmut aningaasaliissutit ukiumut 1 mio. kr.-inik annertussusilerneqartut oqaatsitta illersornissaannut oqaatsittalu ineriartorteqqinnissaannut suliaqartitaqarnermut atungassarititaasut isornartoqartinngilarput.

Siunnersuut taama isikkoqartillugu ataatsimiititaliamut innersuupparput.